



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

23 SEP 2009

206

5-94

ex.

# ՔԱՀԱՆԱՅ

АЛЕКСАНДРОПОЛЬСКИЙ  
№ 1533  
БИБЛИОТЕРА-ЧИТАЛ

1007  
32513

ՀԱՅԿԱՍՏԱՆԻ ԳՐԱԳՆԱԿԱՆՈՒԹՅԱՆ ԿԵՆՏՐՈՆԱԼ ԳՐԱԳՐԱԿԱՆՈՒԹՅԱՆ ԿԵՆՏՐՈՆ  
ԱԶԻԱՏԱՍԻՐԵՑ

ԳՆՏՐՈՍ ՔԱՀԱՆԱՅ ՏԷՐ-ՅՈՎՀԱՆՆԻՍՅԱՆՆՑ


Շ Ո Ւ Շ Ր  
Տպարան Բ. Տէր-Սահակեանցի  
1901.

23 APR 2013

0003 432 65

2833

Յ Մ Յ Մ Ն Յ Գ



Доволено Цензурою. Тифлисъ, 27-го Апрелья 1901 года.

Յ Մ Յ Մ Ն Յ Գ



Ըստ բարձու հրամանի Վեհափառ Հայրապետի ազգիս, Դիւանս թոյլատրէ տպագրութիւն երկասիրութեանս, համաձայն գրաւոր վկայութեան Գերապատիւ Տէր Սուքիաս Սըբազան Արքեպիսկոպոսի, որում յանձնեալ էր ի քննութիւն: Ի ստուգութիւն սորին վաւերացուցանեմք ստորագրութեամբ և դրոշմամբ կնքոյ Հայրապետական Դիւանի: յՅ նոյեմբերի 1898 ամի թ. 1281 'ի ս. Էջմիածին:

Դիւանակէտ ԿՈՐԻԻՆ ՎԱՐԳԱՊԵՏ

Ք Ա Հ Ա Ն Ա Յ Դ

Այն ո՞վ է կանգնած ամբիոնի վերայ,  
Գողղոջիւն ձեռներն երկինք ամբարձած,  
Գրթառատ աչերն լի արտասունքով,  
Բազմութեան ուշքը դէպի նա դարձած.  
Որին ամենքը հայր են անուանում,  
Ծանօթ, անծանօթ՝ հաւասար յարգում,  
Որի լոկ խօսքը օրէնք է նոցա,  
Սրտի գաղտնիքը նորան են յայտնում:

Քահանայ է նա, քաւոյ մեղքերի,  
Միջնորդ Աստուծոյ մարդկան ազգի հետ,  
Հովիւ է անխոնջ Քրիստոսի հօտին,  
Երկնաբեր գանձին նա է արթուն դէտ:

Երբ մենք թաթախուած Ալամայ մեղօք,  
Եկանք այս աշխարհ լրցեալ ցաւերով,  
Ո՞վ սրբեց, մաքրեց մեր հին մեղքերը,  
Ո՞վ մեզ սփոփեց իւր սուրբ խօսքերով.  
Կամ՝ երբ ժանտախտած, ընկած մահճումը՝  
Մըտատանջ, անյոյս մահ էինք խնդրում,  
Պանդըխտի նրման ամենից թողած,

1) Քահանայ՝ քահէ նա, այսինքն քաւէ նա, քաւոյ կամ սրբոյ ժողովրդական բարբառով ասում է կարգաւոր կամ տէրութիւն կամ երէց:

Ո՛վ մեզ առաջին հասաւ օգնութիւն.  
 Կամ՝ երբ մոլորուած գառներու նման  
 Կայր վազում էինք դէպի խորխորատ՝  
 Ո՛վ արդեօք այն օր փրկեց մեզ մահից,  
 Իլևական գրքէն հանեց անարատ.  
 Կամ՝ երբ մեղսալիւր աչքերըս բընաւ  
 Չենք համարձակում երկինք ամբառնալ՝  
 Որին կանչում ենք միջնորդ հաշտութեան,  
 Ումնով յոյս ունինք թողութիւն ստանալ.  
 Եւ կամ՝ ըզբաղած ունայն գործերով,  
 Մոռցել ենք Աստուած, կրթօն, սուրբ հաւատ,  
 Ո՛վ է մեր տեղը մեր մեղաց համար  
 Արտասունք թափում աչքէն յորդառատ.  
 Քահանան է այն և միշտ քահանան,  
 Մեր միջնորդ, հովիւ քաջ և աղօթիչ,  
 Որբոց հայր, եղբայր աղքատ մուրացկին,  
 Արտասուաց սրբող, յանցանաց քաւիչ:  
 Ե՛կ պատուենք, եղբայրք, այդ սուրբ քահանան,  
 Սիրենք միշտ նորան մանկական սիրով,  
 Որ ամբողջ գիշեր իւր որդւոց վերայ  
 Պատրաստ է հսկել անքուն աչքերով.  
 Նա բոլոր կեանքը զօհեց մեզ համար,  
 Չուզեց փառք, պատիւ, գրօտանք աշխարհիս:  
 Քանց սուրբ քահանան էլ ո՞վ է կարող  
 Արդեօք մեզ համար լինել հայր բարի (Ս):

ճարտ. ըզմանա մանցս ցոյցբնա՞ր  
 1) Ռ, Պատկանան;

Իւրաքանչիւր ծուխ ունի մի մարդ, որ պատկանում է ամբողջ աշխարհի ընտանիքին, նորան կոչում են որպէս վկայ, որպէս խորհրդատու, կամ որպէս գործակալ քաղաքական կեանքի ամենանշանաւոր գործողութիւնների մէջ: Առանց այդ մարդու՝ մարդս չի կարող ո՛չ ծնուիլ, ո՛չ մեռնել: Նա է ընդունում մարդուն իւր մօր գրկիցը և միայն թողնում է դաճաղում: Նա է օրհնում կամ սրբապործում օրօրոցը, ամուսնական առաջաստը, մահուան մահիճը, դաճաղը և գերեզմանը: Նա մի հողեղէն արարած է, որին փոքրիկ մանուկները շուտ են ընտելանում սիրել, յարգել և վախենալ նորանից, երբ սխալ բան են անում: Նոյն իսկ անծանօթ մարդիկ նորան կանչում են տէր հայր: Բոլոր քրիստոնեաները նորա մօտ են գնում և սփռում իրենց սրտի ամենազաղտնի խոստովանութիւնը, իրենց ամենազաղտնի արտասուքները: Նա մի մարդ է, որ իւր կոչումով հոգու և սրտի, բոլոր թշուառութիւնների մխիթարողն է. պարտաւորուած միջնորդն է հարստութեան և աղքատութեան: Յաջորդաբար նորա դուռն են բաղխում հարուստը և աղքատը: Հարուստը այնտեղ ծածուկ իւր ողորմութիւնը ձգելու, իսկ աղքատը այդ ողորմութիւնը, առանց կարմրելու, ստանալու համար: Նա մի մարդ է, որ չի պատկանում ո՛չ մի հասարակական դասակարգի: Նա պատկանում է հաւասարապէս ամեն դասակարգի. ստորին դասակարգերին չքաւոր կեանքով և համեստ

ու օրինակելի գիրքով, իսկ բարձր դասակարգե-  
րին՝ կրթութիւնով, գիտութիւնով և զգացմունք-  
ների բարձրութիւնով: Գորանով նա ներշնչում է  
և պատուիրում մի մարդասիրական կրօնք: Վեր-  
ջապէս նա մի մարդ է, որ գիտէ ամեն բան, որ  
իրաւունք ունի ամեն բան ասելու և որի խօսքը  
ընկնում է բարձրութիւնից իբրև մի Աստուածա-  
յին պատուիրան . . . :

Այդ մարդը քահանան է:

Քահանան բարոյականութեան ուսուցիչն է:  
Նորա պաշտօնը, գործը վսեմ է և սրանշելի: Նա  
քրիստոնէութեան և Աստուածային փիլիսոփայու-  
թեան քարոզիչն է: Նա քրիստոսի կեանքի և մա-  
հուան պատմութեան ուսուցիչն է, որ անդադար  
ուսուցանում է քրիստոնէաներին: Նա Աստուա-  
ծային պատուիրանների բարձր ուսմունքների  
դաստիարակն է, որ տալիս է աշխարհին: Նա  
հին և նոր կտակարանների լուսաւորող փարոսն  
է, որ լուսաւորում է իւր հօտին: Քահանան է,  
որ սուրբ գիրքը միշտ բռնած է իւր ձեռքին,  
բռնած է իւր աչքի առաջ, բռնած է իւր սրտում:  
Քահանան է աստուածային գրքի կենդանի մեկ-  
նիչը . . . : Քահանան է, որ կարողանում է ամեն  
տեղ հսկել, անդադար օր ու գիշեր աշխատել,  
որպէս-գի աւետարանի ձգած սերմը աճի, ձլի,  
ծաղկի և պտուղներ տայ:

Այսպէս ուրեմն, երբ տեսնում ես, որ քա-  
հանան բռնած է Աւետարանը, նշանակում է նա

իւր ձեռքին բռնած ունի բոլոր բարոյական օրէնք-  
ները, բոլոր ճշմարտութիւնը, բոլոր քաղաքա-  
կրթութիւնը և բոլոր քաղաքականութիւնը: Նա  
է բաց անում այդ գիրքը, կարդում և իւր շուրջը  
թափում այն լուսոյ և կատարելութեան գանձը,  
որի բանալին յանձնել է նորան նախախնամու-  
թիւնը: Եւ, Քրիստոսի պէս, նորա վարդապետու-  
թիւնը օրինակելի է, թէ կեանքով և թէ խօս-  
քով: Նորա կեանքը, որքան թոյլ է տալիս մարդ-  
կային տկարութիւնը և իւր վարդապետութեան  
շօշափելի մեկնութիւնը, մի կենդանի խօսք է:  
Եկեղեցին պահում է նորան իւր մէջ ոչ այնքան  
որպէս պատգամ, սրբան՝ իբրև օրինակ. խօսքը,  
երբ նորան պակասում է, եթէ բնութիւնը մեր-  
ժել է նորան իւր ձիրքը, բայց այն խօսքը, որ  
ամեն բան լսել է տալիս՝ այդ խօսքը կեանքն է,  
ոչ մի մարդկային խօսք այնպէս պերճ ու այնպէս  
համոզեցուցիչ չէ, ինչպէս առաքինութիւնը . . . :

Քահանան գործ ունի մարդկանց հետ, նա է  
ճանաչում նորանց: Նա մասնակցում է մարդկա-  
յին շարչարանքներին, նորա ձեռքը քնքոյշ է և  
քաղցր, լի խոհեմութիւնով և շափաւորութիւնով:  
Նորա պարտաւորութիւնների մէջ պատահում են  
մարդկային սխալմունք, զղջմունք, թշուառու-  
թիւններ, կարիք և աղքատութիւն: Սակայն նո-  
րա սիրտը լի է հաշտութիւնով և համբերութիւ-  
նով, գթութիւնով, կարեկցութիւնով, ողորմա-  
ծութիւնով և ներողամտութիւնով: Նորա դուռը

'ի ժամու և 'ի տարածամու բաց է բաղխողների համար, նորա ճրագը միշտ վառ է, գաւազանը իւր կողքին: Նորա համար ոչ եղանակի լաւութիւն կայ և ոչ վատութիւն, ոչ տարածութիւն, ոչ ժանտախտ, ոչ մահ տարածամ, ոչ արև, ոչ ձիւն և ոչ անձրև, երբ պէտք է լինում իւր ծխի տունը գնալ և իւր Աստուածը (ս. հաղորդութիւն) տալ մեռնողին: Նորա առաջ, ինչպէս և Աստուծոյ առաջ, չը կայ ոչ հարուստ, ոչ աղքատ և ոչ մեծ ու ոչ փոքր:

Ահա նորա կեանքը... , նորա մագերը ճերմակում են, ձեռքերը դողդողում են սկիհը բարձրացնելիս, իւր խորտակուած ձայնը այլ ևս չէ թնդեցնում սրբավայրը, բայց տակաւին դղրդում է իւր հօտի սրտումը: Նա մեռնում է... : Եւ նա գնում է հանգստանալու յաւիտենականութեան մէջ, որտեղ առաջ ապրում էր իւր հոգին և նա այս աշխարհում արել է այն ամեն բարիքը, ինչ որ պէտք է անէր. նա շարունակել է մի անմահ վարդապետութիւն. նա ծառայել է իբրև մի օղակ հաւատի և առաքինութեան անշափելի շղթայի մէջ <sup>1)</sup>: Եւ նորա օծուած սուրբ դիակը տրուած է Աստուծոյ սեղանի տուած, եկեղեցում: Այդ քահանան ձայն առած իւր վերջնական մասս բարեն է ասում. «Ողջոյն քեզ սուրբ եկեղեցի, ողջոյն քեզ սեղան սրբութեան. ողջոյն ձեզ դասը

<sup>1)</sup> Ա. դը Լամարտին «Nouvelles leçons de littérature française».

քահանայութեան. ես ճանապարհորդեցի առ Արարիչն իմ: Ողջոյն ձեզ մանկունք եկեղեցւոյ. ողջոյն ձեզ հաւատացեալ եղբարք իմ 'ի Քրիստոս. ողջոյն ձեզ համօրէն ժողովրդականք. ես ճանապարհորդեցի առ Քրիստոս յոյսն ամենեցուն: Ահա հրածարիմ 'ի քէն սուրբ եկեղեցի, ահա մեկնիմ 'ի ձէնջ սիրելի եղբարք, 'ի կոչումն վերանորոգողին Քրիստոսի Աստուծոյ մերոյ: Եղօթս արարէք վասն իմ հարք իմ, եղբարք և որդիք և օրհնեսցէ զձեզ Քրիստոս՝ Փրկիչ մեր, պահեսցէ հաստատուն 'ի հաւատս իւր մինչև 'ի սահմանեալ կէտ կոչմանս այսորիկ և խաղաղութիւն Տեառն եղիցի ընդ ձեզ՝ յաւիտենից յաւիտեանս. ամէն»: Եւ սարկաւազը բոլոր ժողովրդականների կողմից խնդրում է. «Միաբան ամենեքեան աղաչեսցուք զմարդասէրն Աստուած յաղազս ննչեցեալ քահանայիս այսորիկ: Սրբասէր քահանայք և բազմամբոխ ժողովուրդք, հայցեցէք 'ի Քրիստոսէ՝ զի շնորհեսցէ սմա թողութիւն մեղաց. զի հանգուցէ զհոգի սորա յերկնային խորանսն յանսպառ ուրախութիւնսն: Յառաջնումն համարեսցի զսա ընդ Մովսիսի և ընդ Ահարօնի և ընդ այլ մարգարէիցն: Յերկրորդումն համարեսցի զսա ընդ Պետրոսի և ընդ Պողօսի և ընդ այլ սրբոց առաքելոցն: Եւ զաղաչանս մեղուցելոցս ընկալցի 'ի յիշատակ հոգւոցն հանգուցելոց՝ ընդ սուրբսն իւր դասելով, զտէր աղաչեսցուք <sup>1)</sup>: Եւ այնուհետև

<sup>1)</sup> Մաշտոց:

նորան պառկեցնում են յաւիտենական սառը գերեզմանում . . . :

Չեզանից ո՞վ չի տեսել, ընթերցող՝ եղբայր, այեզարդ կամ երիտասարդ քահանային համեստ ամօթխած դէմքով և արտասուալից աչքերով՝ Աստուծոյ տաճարում սեղանի առաջ կանգնած՝ սուրբ և անմահ պատարագ մատուցանելիս: Ո՞վ չի տեսել նորան բազկատարած աղօթելիս իւր հօտի համար: Ամենքդ էլ տեսել էք և թէ նա, քահանան, իրան ծանր, վսեմ և սուրբ պաշտօն է կատարում. մկրտութիւն, ամուսնութիւն և այլն: Նորան տեսնում էք դուքսը փողոցում և տներում շրջապատուած իւր ծխականներով, որոնց հետ շարունակ ս. աւետարանիցն է խօսում և հոգևորապէս մխիթարում նորանց: Դուք շատ անգամ նորա տունը գնացած կը լինիք և նորան հրաւիրած ձեր տները՝ հոգևոր օրէնքներ կատարելու: Կամ միթէ քիչ անգամ էք ծունկ չորել նորա մօտ և արտասուալից աչքերով, խոնարհ ու բէկուած սրտով խոստովանել բոլոր յանցանքներդ և ասել. «Շայր սուրբ, զքեզ ունիմ միջնորդ հաշտութեան և բարեխօս առ Միածին Որդին Աստուծոյ, զի իշխանութեամբդ՝ որ տուեալ է քեզ, արձակեցես զիս 'ի կապից մեղաց իմոց, աղաչեմ զքեզ»: Եւ քահանան առանց բարկանալու, առանց սուր նկատողութիւններ անելու, քաղցրութեամբ ու քնքշութեամբ միտքն ուղղած դէսլի երկնային

թագաւորը, հանգիստ հուլով թողութիւն է տուել և հայրաբար և անկեղծ սրտացաւութիւնով լրցուած խրատել՝ ասելով. «Եւ դարձեալ տամ զքեզ 'ի խորհուրդս սուրբ եկեղեցւոյ. զի զոր ինչ գործիցես բարիս. եղիցի քեզ 'ի բարեգործութիւն և 'ի փառս հանդերձեալ կենացն. ամեն»<sup>1)</sup>: Եւ այսպիսով քահանայի պաշտօնն է աղօթել բոլոր հօտի համար, հոգևոր օրէնքներ կատարել և նորանց մի սուրբ կապով կապել Աստուծոյ հետ:

ՔԼՀՈՆՆԵՐԸ ՈՐՏԵՂԻՑ ԵՆ ԻՐԵՆՅ ՍԿԻՋՐՆ ՌՈՒԷԼ:

Երբ որ Յիսուս-Քրիստոս մարդկային կերպարանքով, իւր Հօր և սուրբ Հոգու հաճութիւնով աշխարհ եկաւ, մարդկային ազգը փրկելու յաւիտենական կորստից, աշխարհումս հիմնեց իւր Աստուածային եկեղեցին: Եկեղեցին հիմնեց իւր հաւատացեալների համար, այնպէս, ինչպէս հովիւը շինում է փարախը իւր հօտի համար, նորանց պատսպարելու շար գազաններից: Քրիստոս հիմնելով իւր եկեղեցին, պարտաւորեցուցիչ դարձրեց բոլոր հաւատացեալների համար, որ նորանք իրենց հոգեկան մխիթարութիւնը գտնեն այդ եկեղեցում: Այսօր Քրիստոսի եկեղեցին կանգուն է և նորա յաղթական խաչը փայլում նորա գմբէթի ծայրին:

Ամեն մի տուն ունի իւր տէրը, գլխաւորը, ամեն մի քաղաք ունի իւր գլխաւորը, որ ղեկա-

<sup>1)</sup> Ժամագիրք:



վարում է քաղաքային բոլոր գործերը: Ամեն մի դպրոց ունի իւր ուսուցիչը, տեսուչը և դաստիարակը, որոնք որոշեալ կանոնների համաձայն աշակերտներին դաստիարակելով, կրթելով առաջնորդում են դէպի որոշեալ սահմանը: Այսպիսով Քրիստոս իւր եկեղեցին հիմնելով աշխարհումս, նորան չը թողեց անտէր, անտէրունջ: Նա նորա մէջ սպասաւորներ կարգեց, որ բարոյապէս դաստիարակեն իրենց հօտը, առաջնորդեն նորանց դէպի յաւիտենական կեանքի նաւահանգիստը — երկնային թագաւորութիւնը: Այդ սպասաւորների հօտերին առաջնորդելը, չը թողեց լոկ իրենց կամքին, այլ նորանց ձեռքը յայտնի կանոններ տուաւ, ուղղեցոյց — սուրբ արեւտարան, որ առանց մի մազաչափ շեղուելու կատարեն այն, ինչ որ պատուիրում է: Այսօր Հայաստանեայց մեր ուղղափառ առաքելական եկեղեցին անխախտ կերպով շարունակում է այդ սուրբ արանդը, պահպանում է իւր հաւատացեալ հօտը և առաջնորդում դէպի յաւիտենական նաւահանգիստը: Սակայն ո՞վքեր են այդ առաջնորդները և ո՞վ նորանց այդպիսի մի պատկառելի և վսեմ պաշտօն յանձնեց: Գորանք մեր քահանաներն են և նորանց այդ պաշտօնը տուաւ ինքը մեր Տէր Յիսուս Քրիստոսը:

Քրիստոսի հիմնած եկեղեցւոյ առաջին սպասաւոր-քահանաները, նորա առաքեալներն էին, որոնք հէնց ուղղակի նշանակուեցան Յիսուս-

Քրիստոսից և ուղարկուեցան ամբողջ աշխարհս տարածելու նորա ուսումը, նոր քրիստոնէական կրօնը: Այդ առաքեալները կատարեցին, քարոզեցին այն, ինչ որ Յիսուս-Քրիստոս էր պատուիրել, առանց մի մազաչափ անգամ շեղուելու նորա տուած սկզբունքից: Աշխարհիս մէջ մարդիկ, ազգերը մի տեղ չեն համախմբուած, այլ գանազան տեղերում, քաղաքներում, գիւղաքաղաքներում, գիւղերում և այլն և առաքեալները Քրիստոսի պատուէրի համաձայն մտան ամեն տեղ տարածելու նոր հաւատը: Գորանք մի տեղ երկար չէին կարողանում մնալ, այլ ժողովրդին քարոզելուց հաւատի դարձնելուց յետոյ, իրենց յաջորդ ընտրելով՝ քահանայ էին ձեռնադրում և հօտի դաստիարակութեան և ուսուցանելու գործը յանձնում նորանց և իրենք գնում ուրիշ տեղեր: Ձեռնադրութեան գործը նորանք դարձեալ կատարում էին Քրիստոսի պատուէրի համաձայն:

Մեր առաքելական ուղղափառ եկեղեցւոյ սպասաւոր քահանաները իրենց սկիզբն են առած մեր Տէր Յիսուս-Քրիստոսից և նորա սրբազան առաքեալներից: Քրիստոս երբ պատրաստում էր իւր աշակերտներին աշխարհ ուղարկելու, քարոզելու գործը կատարելու համար, ասաց նորանց. «Ամեն իշխանութիւն ինձ տրուեցաւ երկնքումը և երկրումս. ուրեմն գնացէք բոլոր ազգերին աշակերտեցէք» Մատթ. ԻԸ. 18: Նա չըբաւականացաւ դորանով և արեւացրեց. «Ճշմարիտն եմ

ասում ձեզ, ինչ որ երկրի վերայ կապէք, երկրն-  
քումն էլ կապուած կը լինի և ինչ որ երկրի վե-  
րայ արձակէք երկնքումն էլ արձակուած կը լինի»  
Մատթ. ԺԶ. 18: Այստեղ հայելու նման պարզ  
աւելյալտնի է, որ Քրիստոս իւր ունեցած բոլոր  
իշխանութիւնը, արտօնութիւնները յանձնեց նո-  
րանց՝ կատարելու այն, ինչ որ ինքն էր կատա-  
րել: Այսպիսով առաքեալները իրաւունքներ ստա-  
ցան քարոզելու, բժշկութիւններ, հրաշագործու-  
թիւններ կատարելու, մկրտելու, հաղորդելու և  
այլն: Առաքեալները նախ քան քարոզելու դուրս  
գալը հոգևորապէս հաստատուեցան իրենց պաշ-  
տօններում: Քրիստոս ժողովելով իւր աշակերտ-  
ներին, տարաւ Ձիթենեաց սարը և օրհնեց նորանց  
Ղուկ. ԻԳ. 50: Իւր Համբարձումից յետոյ առա-  
քեալները նորա պատուէրի համաձայն երուսա-  
ղէմում սպասեցին Ս. Հոգւոյ շնորհքը ստանալու  
և Համբարձումից տասն օր յետոյ, յանկարծակի  
մի ձայն լսուեց երկնքից՝ սաստիկ փշոզ քամու  
նման և լցրեց այն տունը, որտեղ առաքեալներն  
էին նստած: Սորանից յետոյ կրակի նման լեզու-  
ներ երևացին և նստեցին ամեն միւսի վերայ: Իս-  
կոյն ամենքն էլ սուրբ Հոգւով լցուեցան և սկսե-  
ցին զանազան լեզուներով խօսել: Սուրբ Հոգւոյ  
շնորհքն ստանալուց յետոյ, առաքեալները հաս-  
տատուեցան իրենց պաշտօններում և իրաւունք  
ստացան բացի քարոզելուց այլ և հոգևոր օրէնք-  
ներ կատարելու: Առաքելական պաշտօնի մէջ հաս-

տատուելուց յետոյ, նորանք ցրուեցան տիեզեր-  
քում՝ ազգերին աշակերտելու և այդ աշակեր-  
տուած ազգերի համար մի յայտնի և պարզ կա-  
նոն սահմանեց. «Ով որ ձեզ լսում է, ինձ է լը-  
սում, և ով որ ձեզ անարգում է, ինձ է անար-  
գում և ով որ ինձ է անարդում, ինձ ուղարկո-  
ղին է անարգում» Ղուկ. Ժ. 16: Ուրեմն հաւա-  
տացեալ հօտը, աշակերտուած քրիստոնեան ան-  
պայման պարտաւոր է սրբութեամբ և ճշտու-  
թեամբ լսել իւր քահանային, կատարել նորա ա-  
սածները, տուած խորհրդները, որովհետև այդ  
ամենը Քրիստոսի խորհրդները և պատուէրներն  
են: Ուրեմն նորան չը լսողը, չը կատարողը, քա-  
հանային չը պատուողը, արդէն դատապարտուած  
է օրէնքով, որովհետև քահանային չը լսողը, չը  
պատուողը միևնոյն է թէ Քրիստոսին չի լսում և  
պատուում, ապա և Աստուծուն:

Առաքեալները, աշխարհումս շատ շատերին  
ձեռնադրեցին և կարգեցին, որպէս քահանաներ,  
հովուելու ժողովուրդը: Այսպիսով երբ Քաղէոս  
առաքեալը, որ Քրիստոսի 72 աշակերտներից  
մէկն էր, մեր Հայաստան աշխարհը եկաւ և քրի-  
ստոնէութիւնը տարածեց, իրեն յաջորդ ընտրեց  
մեր Աբգար թագաւորի թագ գործող Աղդէին և  
նորան քահանայ ձեռնադրեց և ժողովրդի հովու-  
թիւնը յանձնեց նորան: Արտազ դաւառի համար  
ձեռնադրում է Զաքարիային, Աղուանից և Սիւ-  
նեաց աշխարհի համար ձեռնադրում է Նևստա-

32513



թէոսին, Գեսարիայի համար Անտիոքացի Թէոփիլոսին: Թաղէոս առաքեալի նահատակուելուց յետոյ, Հայաստան է գալիս Բարդուղիմէոսը, որ 12 առաքեալներից մէկն էր և նոյն գործը շարունակում: Այսպիսով առաքեալներն էլ իրենց աշակերտներին քահանայ ձեռնադրելով՝ կառավարեցին հաւատացեալների հօտերը և աստիճանաբար, այսօր այդ գործը, հասել է մինչև մեզ <sup>1)</sup>:

**ԱՌՆՑՑ ՔԱՀԱՆԱՅԻ ԱՆԿԱՐԵԼԻ Է ՓՐԻՍՏՈՒԹԻՒՆ ԳՏՆԵԼ:**

Չը կայ մի քաղաք, որ իւր գլխաւորը, կառավարիչը չունենայ, չը կայ մի թագաւորութիւն, որ իւր պետը չունենայ: Չը կայ մի հասարակութիւն, որ իւր դատաւորը չունենայ: Բայց ինչո՞ւ համար են նշանակուած այդ գլխաւորները, կառավարիչները և դատաւորները: Առանց գլխաւորների, կառավարիչների և դատաւորների չի կարող կառավարուիլ ոչ տէրութիւնը, ոչ քաղաքները և ոչ գիւղերը: Դորանց բնակիչներին ուղղութիւն տւողը, ղէկավարողը դորանց գլխաւորներն են: Ոչխարների հօտը առանց հովուի չի կառավարուում, նորան առաջնորդում է հովիւը և կառավարում հօտը, պաշտպանելով նորան գիշատող շար գազաններից: Կառավարիչներն էլ ղէ-

<sup>1)</sup> Այժմ մեզանում բացի քահանաներից կան եպիսկոպոսապետներ, եպիսկոպոսներ, քորեպիսկոպոսներ, վարդապետներ, սարկաւազներ, դպիրներ և այլն, այս աստիճանների և կարգերի հետ ծանօթանալու համար խորհուրդ եմ տալիս կարգալ մեր աշխատասիրած «Գարգ կամ ձեռնադրութեան խորհուրդը» վերնադրով գրքոյկը, որ շուտով կը տպագրուի:

կավարում են ժողովուրդը, հասկացնելով օրէնքների գօրութիւնը, նշանակութիւնը: Եւ այն մարդը, որ զգուշութեամբ և հնազանդութեամբ լսում է այդ օրէնքները և կատարում նորանց, նա արդար և առաքինի մարդ է դառնում: Սակայն կան և մարդիկ, որոնք ոչ մի նշանակութիւն չըտալով այդ օրէնքներին, չըլսելով նորանց, դուրս են գալիս որպէս խարերաններ, սրիկաներ և գողեր և դորանք իրենց գործունէութիւնով որոշում են խաղաղ ժողովրդից և դատաստանի ձեռն ընկնելուց՝ դատապարտում են: Ինչպէս ժողովուրդը կառավարիչներ ունի, ոչխարների հօտը հովիւ, որոնք կատարում են առաջնորդի պարտքը, այնպէս էլ քահանաները Քրիստոսի կողմից նշանակուած են կառավարելու և առաջնորդելու հաւատացեալների հօտը: Դորանց կառավարութիւնը և ղէկավարութիւնը գլխաւորապէս կայանում է երկու բանում. ժողովուրդը պահելու քրիստոնէութեան մէջ, պահպանելու նորանց գիշատող գազաններից և ապա առաջնորդելու ղէպի յաւիտենական թագաւորութիւնը և ահա սորա համար է, որ Քրիստոս ասում է քահանաներին, որպէս մի խրատ իրենց պարտքը սրբութեամբ ճանաչելու և կատարելու համար. «Հովիւ քաջ գանձն իւր դնէ՝ ի վերայ ոչխարաց իւրոց»: Այսպէս ուրեմն քահանաներին ժողովրդի վերայ կառավարիչ, իշխանաւոր նշանակելուց յետոյ, նորանց պարզ և ակնյայտնի իրաւունքներ և արտօնու-

թիւններ տուաւ. կապելու և արձակելու, հոգևոր օրէնքներ և բժշկութիւններ կատարելու և այլն: Իսկ ժողովրդին էլ պատուէր է տուել անպայման նորանց լսել. «Ով որ ձեզ լսում է, ինձ է լսում և ով որ ձեզ անարգում է, ինձ է անարգում» Գուկաս. Ժ. 16: Ինչպէս ոչխարի հօտն է խոնարհուում հովուին և խաղաղութեան մէջ մնում, այնպէս էլ հաւատացեալ հօտը պիտի, Քրիստոսի պատուէրի համաձայն, լսի իւր առաջնորդող քահանային: Չըլսողները քիչ չեն և դորանք արդէն իրենց գործունէութիւնով, իրենց բռնած ընթացքով որոշում են հաւատացեալ հօտից: Մեզանից քչերը չեն բաժանուել և ընկել այն աղանդաւորների շարքը, որոնք սուտանուն քարոզներից յափշտակուած՝ բաժանուել են և ընկել նորանց փարախը: Քրիստոս այդպիսիներին չի ընդունում, նա չի ճանաչում նորանց: Իսկական հաւատացեալը, ինչպէս ոչխարը ճանաչում է իւր տիրոջը՝ հովուին, այնպէս էլ նա պիտի ճանաչի իւր քահանային, ապա ուրեմն եթէ նա սրտանց ճանաչում է քահանային, ճանաչում է և քահանային ընտրող Քրիստոսին և ապա Քրիստոսին աշխարհ ուղարկող Աստուծուն: Սակայն քչերը չեն, որոնք սառնասիրտ աչքով են նայում քահանայի, Քրիստոսի այդ անխոնջ մշակի վերայ և դորանք մոլորուած են, դորանց համար փրկութիւն չըկայ: Քրիստոս ինքն է իւր բերանով սասել այդ քահանաներին. «Գնացէք աշակերտեցէք բոլոր ազգերին՝

նորանց մկրտելով ձօր, Որդու և սուրբ Հոգու անունով» Մատթ. ԻԸ. 19, և այսպիսով չըմկըրտուողների համար յայտնի և պարզ օրէնք սահմանել. «Եթէ մէկը ջրից և Հոգուց չըծնուի, նա չի կարող Աստուծոյ արքայութիւնը մտնել» Յովհանն. Գ. 5: Նախ քան մկրտուիլը հարկաւոր է ապաշխարել և մեղքերի թողութիւն ստանալ. «Ճշմարիտն եմ ասում ձեզ, ինչ որ երկրի վերայ կապէք, երկնքումն էլ կապուած կը լինի, և ինչ որ երկրի վերայ արձակէք երկնքումն էլ արձակուած կը լինի» Մատթ. ԺԸ. 18: Ապա մեղքերի թողութիւն ստանալուց յետոյ, էլ պէտք է Ս. հաղորդութեան արժանանալ. «Ճշմարիտ, ճշմարիտն եմ ասում ձեզ, եթէ Մարդոյ որդւոյ մարմինը չուտէք և նորա արիւնը չըխմէք, կեանք չունիք ձեր անձերումը: Իմ մարմինն ուտողը և իմ արիւնը խմողը յաւիտենական կեանք ունի և ես յետին օրումը յարութիւն կը տամ նորան, որովհետեւ իմ մարմինը ճշմարտապէս կերակուր է և իմ արիւնը ճշմարտապէս խմելիք է: Իմ մարմինն ուտողը և իմ արիւնը խմողը մնում է ինձանում և ես նորանում: Ինչպէս ինձ ուղարկեց կենդանի Հայրը և ես կենդանի եմ Հօր համար, այնպէս էլ նա, որ ինձ ուտում է, կենդանի կը լինի ինձ համար» Յովհանն. Զ. 54—58: Ս. հաղորդութիւնն ընդունելուց յետոյ, պէտք է ամուսնական առաջատի օրհնութիւն ստանալ, ապա հիւանդանալուց՝ հոգևոր բժշկութիւն, Մատթ. Ժ. 8. Մարկ.

ԺՁ. 18 և այլն: Բայց չէ որ այս բոլոր օրէնքները կատարելը, դորանց իրաւունքները, Քրիստոս ինքն անձամբ անձին յանձնել է իւր աշակերտներին, իւր ձեռքով ընտրած քահանաներին. Մատթ. ԻԸ. 19, Մատթ. ԺԸ. 18, Մատթ. ԻԶ. 26—28, Մարկ. ԺԳ. 22—25, Դուկ. ԻԲ. 19—20, Մարկ. Ժ. 8, Մարկ. ԺԶ. 18 և այլն: Քահանային շնորհունելով, չըլսելով ո՛ւմ պիտի դիմենք մեզ մկրտելու, խոստովանեցնելու, մեղքերին թողութիւն տալու և ս. հաղորդութեան արժանացնելու, պսակելու, հիւանդներին հոգևոր կարգով բժշկելու և այլն: Ո՛ւմ պիտի դիմենք մեզ պահպանելու, մեզ համար քարոյներ խօսելու, Քրիստոսի խօսքը մեզ հասկացնելու, մեզ առաջնորդելու դէպի յաւիտենական կեանքը, դէպի երկնային թագաւորութիւնը: Հաւատացեալ եղբայր, այս հարցերին ոչ մի պատասխան չունիմ և ոչ մի բացատրութիւն քեզ տալու, որովհետև ամեն բան հիմնուած է սկզբունքով, Քրիստոսի անարատ ձեռքով: Եւ քահանային չը լսելով, չը պատուելով, չենք լսում և չենք պատուում իրեն Քրիստոսին: Քահանայից չը մկրտուելով՝ կարո՞ղ ենք երկնքի արքայութիւն մտնել, մեղքերի թողութիւն չը ստանալով՝ կարո՞ղ ենք երկնքում թողութիւն ստանալ և այլն: Այդ ամենի համար ինքը Տէրը յայտնի օրէնքներ ունի սահմանած և այդ օրէնքներին հակառակողները ամենքն էլ դատապարտուում են նոյն օրէնքով. Դուկ. Ժ. 9, Յով-

հան. Գ. 5, Մատթ. ԺԸ. 18: Քրիստոս այդպիսիներին չի ճանաչում, դորանց համար յաւիտենական թագաւորութեան մէջ նա տեղ չունի: Քահանան իւր ձեռնադրութեան իրաւունքներով, որպէս առաքեալների յաջորդ, Քրիստոսի պատուէրի համաձայն իւր հօտը առաջնորդում է դէպի երկնային թագաւորութիւնը, ապա հոգում նորա բոլոր հոգևոր կարիքները, կատարում նորա օրէնքները: Ապա ուրեմն, եկ պատուենք նորան, լսենք նորան, մկրտուենք նորանից, ապաշխարենք նորա ներկայութեամբ, ս. հաղորդութեան արժանանք նորանից, մեր ամուսնական առաջատը նորան օրհնել տանք և այլն և այդպիսով միևնոյն է թէ այդ ամենը կատարել ենք տալիս մեր Տէր Յիսուս Քրիստոսին: Առանց քահանայի մեր կեանքը կեանքի նման չէ, կը լինինք որպէս մոլորուած ոչխարներ, ինչպէս աղանդաւորները, որոնք ոչ քահանայ ունին և ոչ օրէնք և այնուհետև մեր փարախը չենք գտնիլ, մեր հովուի սրնդի ձայնը չենք լսիլ և ապա չենք մտնիլ և յաւիտենական կեանքը: Առանց քահանայի անկարելի է փրկութիւն գտնել:

ՔԱՀԱՆԱՅԻ ՅԱՆՑԱՐԻՈՒ ԼԻՆԵԼԸ ՉԻ ԽԱՆԳԱՐՈՒՄ ՀԱՆԱՏԱՑԵԱԼՆԵՐԻ ՓՐԿՈՒԹԵԱՆ ԳՈՐԾԻՆ:

Աշխարհիս բոլոր մարդիկն էլ Աստուծոյ առաջ յանցաւոր են: Աշխարհումս առանց որևէ յանցանքի մարդ չը կայ: Մենք ամենքս էլ ծնուած ենք յանցանքի մէջ: Դաւիթ մարգարէն է ասում.

«Անօրէնութիւնով յղացաւ և մեղքի մէջ ծնեց ինձ իմ մայրս» Սաղմ. Ծ. 6: Աշխարհումս միայն սուրբը, անմեղը մեր Տէր Յիսուս-Քրիստոսն էր և մեր եկեղեցին նորա համար երգում է. «Միայն սուրբ, միայն տէր, Յիսուս-Քրիստոս»: Այսպիսով չը նայելով, որ քահանան սուրբ, վսեմ և անարատ պաշտօնի տէր է և ամենի գլուխ, նա էլ յանցանք ունի, ինչպէս բոլոր մարդիկը: Քահանաներն էլ, ինչպէս մարդիկ, մէկն աւելի յանցանք ունի, իսկ միւսներն աւելի քիչ: Մէկը մարդկային թուլութիւն քիչ ունի, իսկ միւսներն աւելի: Թէև քահանան էլ ունի յանցանք, գուցէ և մասամբ աւելի շատ, քան մի որ և է հողեղէն արարած, այնուամենայնիւ, այդ որ և է կերպով չի խանգարում մարդկանց փրկութեան գործին: Եթէ ենթադրենք, որ աւելի լաւ կը լինէր, որ սուրբ, մարդու (առանց մեղքի) քահանաները ծառայէին մարդկանց փրկութեան գործին, այն ժամանակ ոչ ոքի էլ չէինք գտնիլ այդ գործին ծառայելու համար, որովհետև աշխարհումս սուրբ և անմեղ, ինչպէս մարդ, այնպէս էլ քահանայ չէինք գտնիլ: Պէտք է աչքի առաջ ունենանք և այս հանգամանքը, որ քահանաները մարդկանց փրկութեան գործը յառաջ են տանում, ոչ թէ իրենց փիզիքական ոյժերի համապատասխան, այլ այն շնորհքի թելադրութեան —, որ ստացել են Աստուծուց ձեռնադրութեան ժամանակ: Իսկ Աստուծոյ շնորհքը, մարդկային ազգն ազատող — փրկարար շնորհքը բոլոր քահանանե-

րը, իրենց կարողութեան համեմատ հաւասար կերպով են ստանում և նա երբէք չի պակասում կամ հեռանում նորանից, երբ քահանան իւր մարմնական թուլութեանը չը դիմանալով՝ ընկնում է որ և է յանցանքի մէջ: Խնդիրը մնում է միայն գործադրութեան մէջ. մի քահանայ այն երկնային պարզեւր աւելի արդիւնաւորութեամբ է շահագործում, իսկ միւսներն աւելի քիչ: Դորա համար ս. աւետարանը հետեւեալն է պատմում. «Մի մարդ, որ օտար երկիր էր գնում, կանչեց իւր ծառաներին և իւր ունեցածը յանձնեց նորանց: Եւ մէկին հինգ քանքար տուաւ, միւսին երկու և միւսին մէկ, իւրաքանչիւրին իւր կարողութեան չափ և շուտով գնաց: Եւ այն հինգ քանքար առնողը գրնաց, նորանով բան արաւ և ուրիշ հինգ քանքար էլ շահեց: Այնպէս էլ նա՝ որ երկուսն առաւ, ուրիշ երկուսն էլ շահեց: Իսկ այն մէկն առնողը գրնաց՝ գետինը փորեց և իւր տիրոջ արծաթը թագցրեց: Եւ շատ ժամանակից յետոյ գալիս է այն ծառաների տէրը և նորանցից հաշիւ առնում: Եւ այն հինգ քանքար առնողը մօտ է գալիս, ուրիշ հինգ քանքար էլ առաջ բերում և ասում. Տէր, ինձ հինգ քանքար տուիր, ուրիշ հինգ քանքար էլ շահեցի նորանց վերայ: Իւր տէրն էլ ասաց նորան. լաւ ծառայ, բարի և հաւատարիմ, քիչ բաների վերայ հաւատարիմ էիր, քեզ շատ բաների վերայ կը դնեմ, մտիր քո տիրոջ ուրախութիւնը: Եւ այն երկու քանքար առնողն էլ մօտ եկաւ և ասաց.

Տէր, ինձ երկու քանքար տուիր, տես, երկու ուրիշ քանքար էլ շահեցի նորանց վերայ: Տէրն ասաց նորան. լաւ ծառայ, բարի և հաւատարիմ. քիչ բաների վերայ հաւատարիմ էիր, քեզ շատ բաների վերայ կը դնեմ, մտիր քո տիրոջ ուրախութիւնը: Եւ այն մէկ քանքար առնողն էլ մօտ եկաւ և ասաց. տէր, ճանաչում էի քեզ, որ դու մի խիստ մարդ ես, հնձում ես, որտեղ որ չես սերմել, և հաւաքում, որտեղ որ չես սփռել: Եւ վախենալով՝ գնացի, թագցրի քո քանքարը գետնի մէջ, ահա ան քոնը: Նորա տէրն էլ պատասխանեց և ասաց նորան. ծառայ չար և ծոյլ, գիտէիր, որ հնձում եմ, որտեղ որ չեմ սերմել և հաւաքում եմ, որտեղ որ չեմ սփռել: Ուրեմն պէտք էր, որ իմ արծաթը սեղանաւորներին տայիր և ես գալուց՝ տուկոսով կ'առնէի իմը: Արդ, առէք դորանից քանքարը և տուէք տասը քանքար ունեցողին, որովհետեւ ամենն ով որ ունի՝ նորան կը տրուի և կաւելանայ, բայց նա, որ չունի՝ նորանից այն ունեցածն էլ վերկառնուի» Մատթ. ԻՅ. 14—30: Այսպէս ուրեմն այն քահանաները, որոնք իրենց պարտքը սրբութեամբ չեն կատարում, չեն շահագործում Աստուծոյ շնորհած պարգևը, դորանց դատավճիռը նշանակում է ինքը Տէրը: Դորանց շնորհքը միայն դատաստանի օրը վեր կառնուի և կը տրուի ուրիշ արժանաւորներին, իսկ իրեն դուրս կը ձգեն դրսի խաւարը և այնտեղ կը լինի լաց և ատամների կրճտելը: Սորանից էլ սարսա-

փելի պատիժ կայ: Մենք իրաւունք չունինք քահանային դատելու, նա ունի իւր դատաստանը: Մենք միայն մի բան պիտի անենք, երբէք չը պէտք է կատարենք այն, ինչ որ քահանան է անում, եթէ միայն այդ բանը իւր մէջ յանցանք և արատաւորութիւն է պարունակում: Սակայն պարտաւոր ենք սրբութեամբ կատարել այն, ինչ որ նա է պատուիրում, քարոզում, որովհետեւ նա երբէք մեզ վատ բան չի պատուիրել, չի ասիլ, այլ այն, ինչ որ Քրիստոսն է նորան պատուիրել, հրամայել ասելու: Պարտաւոր ենք նորա առաջ անկեղծութեամբ կատարել այն հոգևոր օրէնքները, խորհրդները, ինչ որ հրամայում է եկեղեցին, այլապէս մենք փրկութիւն չունինք, մեր փրկութիւնը նորա միջոցովն է:

**ՔՐԻՍՏՆԵՆԵՐՈՆ ՊԵՇՏՅՈՒՆ ՎԵՃՈՒԹԻՒՆԸ:**

Աշխարհումս մի մարդ չը կայ, որ իւր պատժով, իւր իրաւունքներով այնպէս բարձր լինի, որպէս քահանան: Երկրային տէրը կարող է մարդկանց հարստութիւն, պատիւ և ուրիշ բարիքներ պարգևել, որին նորանք աւելի են հակամիտած, բայց քահանան մարդկանց առաջնորդում է դէպի յաւիտենական թագաւորութիւնը, դէպի յաւիտենական երջանիկ կեանքը: Միթէ յաւիտենական երջանիկ կեանքից բարձր, որի համար և ստեղծուած է մարդս, կայ և մի ուրիշ աւելի լաւ բան, ո՞չ:

Երկրային թագաւորները, իշխանները, կառավարիչները և դատաւորները կարող են շղթայել մարդուն և բանտարկել նորան, կարող են մինչև ի մահ տանջել և չարչարել նորան և բանտարկեալը երբ և իցէ կարող է ազատուել իւր կապանքներից և՛ բանտից և՛ իւր չարչարանքներից: Եթէ բանտում իւր չարչարանքների մէջ էլ նա մեռնի, այնուամենայնիւ միայն մեռնում է նորա մարմինը, հոգին միշտ ազատ է թէ շղթաներից, թէ բանտարկութիւնից և թէ չարչարանքներից, նա անմահ է: Սակայն քահանայի դատապարտութիւնը, մարդուն շղթայելուց, ոչ ոք չի կարող ազատել նորան, ոչ թագաւորները, ոչ իշխանները, մահն էլ չի կարող ազատել նորա կապանքները, որովհետև քահանան կապում է ոչ թէ մարդու մարմինը, այլ հոգին, իսկ հոգին անմահ է: Քահանայի դատապարտելը, մարդուն ոչ թէ դէպի բանտն են տանում, այլ դէպի դժոխքը, գեհէնի կրակը. որտեղ դատապարտեալը յաւիտեան պիտի չարչարուի և տանջուի Աստուծոյ անագին բարկութեան տակ, այդ բաւական չէ և նորանք պիտի մեռնին և երկրորդ յաւիտենական մահով՝ Հռովմ. Բ. 8—9, 2. 16, 21 և 23: Դժոխքի խաւարի աղջամղջի մէջ չար դադանի և դեերի հետ միասին պիտի ապրեն և պիտի յաւիտեան տանջուին, առանց որ և է հանգստութիւն ունենալու: Մատթ. ԻԵ. 41, Յայտն. Ի. 10: Տեսնում էք որքան սոսկալի է քահանայի տուած պատիժը: Այդ

պատիժները նորանք են միայն կրում, որոնք արհամարհում են քահանային և չեն լսում նորան, չեն կատարում Քրիստոսի նորանց տուած պատուէրները և մեռնում են առանց գղջման, առանց ապաշխարութեան և ս. հաղորդութեան արժանանալու: Սակայն քահանայի տուած պարգևն էլ անհոն է, քաղցր, քնքոյշ և աննկարագրելի: Նա էլ յաւիտենական է, որ ոչ մի կերպով չի կարելի համեմատել թագաւորների, իշխանների և դատաւորների տուած պարգևների հետ: Այժմ տեսնում էք քահանան, որպիսի սքանչելի, անպատմելի, սուրբ և վեհ իրաւունքներ ունի, որպիսին չունին ոչ թագաւորները, ոչ իշխանները և ոչ դատաւորները:

Քահանայական պաշտօնի վեհութեանը չեն կարող համեմատուիլ և ծնողներինը: Իւրաքանչիւր հաւատացեալ քրիստոնիայի համար քահանան պատուով, պաշտօնով աւելի բարձր է կանգնած, քան նորա հարագատ ծնողները: Ծնողները Աստուծոյ օրհնութիւնով՝ որդիք են բազմացնում, մեծացնում, իսկ քահանաները նորանց բարոյապէս կրթելով, դաստիարակելով՝ առաջնորդում են դէպի յաւիտենական կեանքը: Յովհան Ոսկեբերանը քահանաների իրաւունքները և պաշտօնը հրեշտակների և հրեշտակապետների իրաւունքներից և պաշտօններից բարձր է համարում:

Քահանայական պաշտօնի վեհութիւնը և սրբութիւնը մենք տեսնում ենք գլխաւորապէս Աս-



տուծոյ սուրբ և անմահ պատարագը մատուցանելիս: Պատարագի ժամանակ սեղանի վերայ է տնուում անարիւն Ջոհը և արարածների Արարիչը, տէրերի Տէրը, թագաւորների Թագաւորը, աստուածների Աստուածը դալիս է և ինքն իրան բաշխուում մեզ համար, առանց սպառուելու: Քահանան, որ ինքն է մատուցանում պատարագը, ինքն է Տէրին բաշխում մեր մէջ, այդ ժամանակ նորան տեսնելը սքանչելի է: Նա շրջապատուած երկնային բոլոր զօրքերով, հրեշտակներով, հրեշտակապետներով, Սերովբէներով և Քերովբէներով պատարագ է մատուցանում: Նորանք ամենքը շրջապատած քահանային, սպասաւորում են նորան, Տիրոջ բաշխուելուն և փառաբանում նորան, Աստուծոյ Որդուն: Թէև մենք այդ բանը մեր հողեղէն աչքերով չենք տեսնում, որովհետև անարժան ենք, սակայն ճշմարտութիւնը անբացատրելի է: Արդեօք մեր եկեղեցին չի երգում. «Մարմին տէրունական և արիւն փրկչական կայ առաջի. երկնային զօրութիւնքն (հրեշտակները) յաներեւոյթս երգեն և ասեն անհանգիստ բարբառով. սուրբ, սուրբ, սուրբ տէր զօրութեանց»: Պատարագիչ քահանան ինքը չէ բարձրաձայն հրաւիրում ժողովրդին ասելով. «Եւ ընդ Սերովբէսն և ընդ Քերովբէսն միաձայն սրբասացութեամբ յօրինել նուագս և համարձակապէս զոչելով աղաղակել ընդ նոսին և ասել» և ժողովուրդը իւր երգիչ-դալիւրների բերանով երգում է. «Սուրբ, սուրբ,

սուրբ տէր զօրութեանց, լի են երկինք և երկիր փառօք բո. օրհնութիւն 'ի բարձունս, օրհնեալ որ եկիր և գալոցդ ես անուամբ Տեառն: Ովսաննա 'ի բարձունս»: Տեսնում էք, որ ապացուցանելու համար փաստեր չեն հարկաւորում, որ երկնային բոլոր զօրքերը աներևոյթ կերպով սպասաւորում են քահանայի պաշտօնավարութեանը, Տիրոջ բաշխուելուն: Եւ ահա ինքն իրան հաստատում է, որ քահանան իւր պաշտօնի Վեհութիւնով որքան բարձր է կանգնած երկնային բոլոր զօրքերից: Եւ միևնոյնն էլ հաստատում է Յովհան Ոսկեբերանը: Աշխարհումս մի այնպիսի պաշտօն չը կայ, որ կարելի լինի համեմատել քահանայական պաշտօնի Վեհութեան հետ: Քահանայական պաշտօնը ամենից վեհ է:

**ՔԱՀԱՆԱՆԵՐՆ ՊԵՏՔ Է ՎՈՐՉԱՏՐԵԼ.**

Քահանան ապրում է իւր ծխականների մէջ. ուսուցանում և քարոզում է նորանց, կատարում է հոգևոր օրինակատարութիւնները և սովորական Աստուածապաշտական ժամերգութիւնը:

Քահանաներն էլ, որպէս ծխականները, ունին կին, որդիք, որոնց հարկաւոր է սնունդ մատակարարել, հագցնել, դաստիարակել և այլն: Բայց ծխականները ամենքն էլ գործ և արհեստ ունին, որից ստացած աշխատանքով կերակրում են իրենց ընտանիքները և բարոյապէս դաստիարակում իրենց որդիկերանց, իսկ քահանաները այդ-

պիսի արհեստներ չունին: Նորանց գործը հողևոր է, Աստուածային է և ամեն բան ձրի է կատարում, ինչպէս Քրիստոս է պատուիրել. «ձրի առել էք և ձրի տուէք» Մատթ. Ժ. 8: Բայց չէ որ քահանաները և իշխանաց ընտանիքները հողեղէն են և նորանց ապրուստի միջոցներ են հարկաւոր և այդ ապրուստի միջոցները չէ որ պիտի հոգան ծխականները: Պօղոս առաքեալը այդ մասին գրում է Կորնթացիներին. «Ձէք իմանում թէ նորանք, որ տաճարումը գործում են, տաճարիցն են ուտում և նորանք, որ սեղանի պաշտօնեաներ են, սեղանիցն են բաժին առնում» Ա. Կորնթ. Թ. 13: Մի ուրիշ տեղ նոյն առաքեալը գրում է. «Ո՞վ է, որ այգի տնկէ և նորա պտղիցը չուտէ. ո՞վ է որ հօտ արածեցնէ և հօտի կաթիցը չուտէ» Ա. Կորնթ. Թ. 7: Այսպէս ուրեմն քահանաները իրենց հօտիցն են ստանում իրենց սնունդ մատակարարող նիւթական վարձատրութիւնը: Այդ վարձատրութիւնը օրէնքների վճարը չէ, նա ձրի է տրւում (Մատթ. Ժ. 8) և չի էլ կարելի Աստուծոյ առատաձեռն շնորհքը և սահմանադրած օրէնքը ոչ փողով ծախել և առնել, այլ այդ քահանաների նեղութեան վարձն է, «Մշակ արժանի է վարձոյ իւրոյ», (ս. աւետարան) Ա. Տիմոթ. Ե. 18, Բ. Տիմոթ. Բ. 6: Քահանաները նեղութեան վարձ, իրենց ծխականներից, հաւասար կերպով չեն ստանում, այլ զանազան: Մի ծխական շատ է վճարում, միւսներն աւելի քիչ և շատերը ոչինչ էլ

չեն վճարում և քահանաները չը նայելով դորան, անխտիր լուռ ու մունջ կատարում են բոլոր հօտի օրէնքները: Այս այսպէս լինելուց յետոյ, շատ ծխականներ թող չ'օգտուին քահանաների վեհանձնութիւնից և նորանց նեղութեան վարձը չը կտրեն, այլ որքան կարող են, որքան ներում է իրենց նիւթական միջոցը, աւելի և սուրբ սրտով վճարեն նորանց նեղութեան վարձը, աչքի առաջ ունենալով, որ նորանք միայն այդպիսի միջոցներով են ապրում: «Մի գիւղում բնակւում էին մի մարդ և մի կին: Մարդը շատ ժամասէր էր: Ամեն օր եկեղեցի էր գնում և օրը մի գրօշ էր տալիս իւր քահանային: Քահանան էլ ամեն օր նորան ասում էր.

— Օրհնուիս դու. բիւրապատիկը քեզ մէկի փոխանակ հազար տայ:

Նա ուրախանում էր և իրան ասում. «Այս լաւ բան է, մէկ տալիս եմ՝ հազար պէտք է տայ»:

Այսպէս ամեն օր մի գրօշ տալով՝ իւր բոլոր ունեցածը տուեց քահանային, իսկ ինքն աղքատացաւ:

Մէկ օր կինն ասաց ամուսնուն.

— Վեր կաց, գնա քահանայի մօտ, մի հազարը բեր, տանք հացի, մինչև որ մէկ էլ հազարն էլ կամաց-կամաց կը տայ:

Ամուսինը գնաց:

— Օրհնեա՛, տէր:

— Աստուած օրհնէ:

—Տէրտէր ջան, ես քեզ տուի, դու ինձ հազարներ խոստացար. հիմա բեր մէկ հազարը տո՛ւր տանեմ. այն միւսներն էլ՝ յետոյ կը գամ կը տաս:

—Օրհնուած, ասաց քահանան, դու ինձ տուիր, որ Բիւրապատիկը քեզ մէկին հազար տայ:

—Բիւրապատիկն ո՞վ է:

Քահանան նորան մի ճանապարհ ցոյց տուեց.

—Այս երկայն ճանապարհովը կը գնաս, քեզ կը պատահի մի մեծ մարդ, որ նստած կը լինի ոսկէ աթոռի վրայ: Բիւրապատիկը նա է. ասս նորան. «Ինձ մեր տէրտէրն ուղարկեց. մէկ տուել եմ, հազար պէտք է տաս»:

Նա էլ գնաց այն երկար ճանապարհով: Նորան պատահեցաւ մի քարանձաւ: Ներս մտաւ և ինչ տեսաւ. քառասուն երեւելի գողեր շարուած նստած են: Սորան պատիւ են տալիս, տեղ են բաց անում և նստեցնում են իրանց մէջ տեղը:

—Ո՞վ ես դու, հարցնում են նորան. այսքան ժամանակ է մեր անից մարդ չէր եկած այս կողմը. ո՞րտեղից ես գալիս և ո՞ւր ես գնում:

—Գնում եմ Բիւրապատիկի մօտ, պատասխանում է. մէկ տուել եմ, հազար պիտի ստանամ:

—Գողերն ասում են.

—Եղբայր, այդ խելքը խելք չէ, թո՛ղ այդ: Արի այստեղ, մենք քեզ մի բուռը ոսկի տանք, վեր կաց, քո տունը գնա՛:

—Ո՛չ, ասում է նա, այդ փողը արդար վատակ չէ:

—Եթէ այդպէս է, ասում են գողերը, դու արդար մարդ ես, երբ գնաս, Բիւրապատիկին հարցրո՛ւ, թէ միւս աշխարհումը մեզ համար տեղ կայ:

—Աչքիս վերայ, ասում է նա ու գնում:

Գնում է՝ պատահում մի ծերունու, որ նրստած էր մի քարի մօտ: Նա անդադար ասում էր. «Փնօք քեզ, Աստուած, փնօք քեզ»: Եւ որքան ասում էր, այնքան ոսկի էր բղխում քարից:

Ծերունին հարցնում է այս մարդուն.

—Ե՛ղբայր, ո՞ւր ես գնում:

—Գնում եմ Բիւրապատիկի մօտ. պատասխանում է նա. մէկ տուել եմ, հազար պէտք է ստանամ:

—Արի այս ոսկուց երկու բուռը տամ, յետ գնա՛, ասում է ծերունին:

—Ո՛չ, ասում է սա. այդ ո՛չ իմ տուածն է, ո՛չ իմ աշխատածը. ես դորան արժանի չեմ:

—Եթէ այդպէս է, ասում է ծերունին, երբ գրնաս Բիւրապատիկի մօտ, հարցրո՛ւ, թէ ոսկին երբ պէտք է կտրուի այս քարից:

—Աչքիս վերայ, ասում է ու գնում:

Ճանապարհին տեսնում է մի այգետէր, որ հարցնում է.

—Հողածին, ո՞ւր ես գնում:

—Գնում եմ Բիւրապատիկի մօտ. մէկ տուել եմ, հազար պէտք է ստանամ:

—Երբ գնաս, ասում է այգետէրը, Բիւրապատիկին հարցրո՛ւ, թէ ինչիցն է՝ որ երբ իմ այգու

պատը շինում եմ, բոլոր կանաչ պտուղները չորանում են, երբ պատը քանդում եմ, կանաչում են:

— Գլխիս վերայ, ասում է նա ու գնում:

Ճանապարհին տեսնում է մի մեծատուն, որի մէջքին պատ էր շարած և ինքը տակին տընքտընքում էր:

— Գիւղական, հարցրեց մեծատունը, ո՞ւր ես գնում:

— Գնում եմ Բիւրապատիկի մօտ, պատասխանում է նա, մէկ տուել եմ, հազար պիտի ստանամ: Մեծատունն ասում է.

— Որ գնաս, Բիւրապատիկին հարցրո՞ւ, թէ ես այս պատից երբ պէտք է ազատուիմ:

— Լաւ կը լինի, ասում է նա և շարունակում իւր ճանապարհը:

Գնում է տեսնում, որ մէկ մեծ մարդ նստած է ոսկէ աթոռի վերայ:

Նա հարցնում է.

— Ո՞ւր ես գնում:

— Բիւրապատիկը դո՞ւ ես, հարցնում է ճանապարհորդը:

— Այո՛, ես եմ, պատասխանում է. ի՞նչ ես ուզում:

— Մեր քահանան ուղարկեց ինձ, ես քեզ մէկ տուել եմ, դու ինձ հազար պիտի տաս:

Բիւրապատիկն ասում է.

— Գնա՛ տունդ, բակիդ մէջ մի թթենի կայ, փորիր նորա տակը, մի կարաս ոսկի դուրս կը գայ, վեր առ քո մէկի փոխանակ հազարանոցը:

Ճանապարհորդը, բացի դորանից, ինչ որ իրեն յանձնել էին ասելու, ամեն բան ասաց Բիւրապատիկին և ամենի պատասխանն էլ ստանալով՝ վերադարձաւ:

Հասնելով պատի տակ տնքող մեծատան՝ ասաց.

— Դու այդտեղից այն ժամանակ կ'ազատուիս, երբ Աստուծուն մեղայ կը գաս և զիգած հարստութիւնդ ազքատներին կը բաժանես:

— Ես ինչպէս մեղայ գամ Աստուծուն, ասաց մեծատունը և խօսքը բերանից հանեց թէ չէ՛ իսկոյն պատի հետ միասին գետինը մտաւ:

Նա յետոյ գնաց հասաւ այգետիրոջը և ասաց.

— Եթէ այգուդ պատերը քանդես, որ անց ու դարձ անողներն ուտեն պտուղներից, այգիդ կը կանաչի:

Դեռ խօսքը բերանումն էր, իսկոյն տէրը գնաց պատերը քանդեց և այգին կանաչեց:

Ճանապարհորդը գնալով ծերունու մօտ, ասաց.

Քանի որ դու բերանիցդ Աստուծու անունը չես պակասեցնիլ, քարիցն էլ ոսկին չի պակասիլ: Ծերունին ասաց.

— Մի՛թէ մարդ իւր բերանից Աստուծու անունը կը պակասեցնի. փա՛ռք Աստուծուն: — Ասաց շատաց՝ քարի միւս երեսիցն էլ ոսկի դուրս թափուեցաւ՝ առաջուանից շատ:

Նա եկաւ գողերի քարանձաւը և նորանց ասաց.

— Եթէ ձեր գողութիւնը թողէք, միւս աշխարհումը տեղ ունիք:

Գողերը թողին քարանձաւը, վնացին իրանց յանցանքն ապաշխարեցին ու փրկուեցան:

Վերջապէս մեր ճանապարհորդն եկաւ իրանց տուն, կանչեց կնոջն ու ասաց.

— Այ կին, բահ ու թի բեր:

Մարդ ու կին վեր առան բահն ու թին, փորեցին թթեմու տակը և մի կարաս գտան ոսկով լիքը: Օրը մթնեց և կարասը թողին, որ առաւօտը հանեն:

Գրացիներն իմացան, գիշերը եկան կարասը գողանալու, բայց տեսնելով որ մէջը դեղին հող է, կարասը շուռ տուին տան տիրոջ այգումը: Կարասը կտորուեցաւ ու հողը ցրուեցաւ:

Առաւօտը զարթեցան, ինչ տեսան. այգու չորս կողմը ոսկի է փռուել: Ամուսինը գոռաց.

— Ա կնիկ, ցախաւը բեր. բոլոր այգին ոսկի է դառել:

Աւելեցին շողշողուն ու զընդզընգան ոսկիքը. մէկի փոխանակ ո՛չ թէ հազար, այլ անթիւ հազարներ ստացան, հարստացան և Աստուծուն փառք տուին<sup>1)</sup>: Մարդ իւր քահանայի կրած նեղութեան վարձը այնպէս պիտի տայ, որպէս զիւղականը և օրհնութիւն ստանայ: Քահանային տուած տուրքը Աստուծունն է և քահանային տուածի փոխարէն, Աստուած էլ հատուցանում

<sup>1)</sup> Սրտանձտեան:

է տւողին: Այդ պատճառաւ է, որ Տէրը հրամայում է. «Տնւք և տացին ձեզ»:

ՔԱՆՏԱՆՔԻՆ ՊԵՏԻ ԵՆ ՅԱՐԳԵԼ ԵՒ ՊԵՏՈՒԵԼ:

Քահանաների իրենց վեհ պաշտօնի և մեզ համար կատարելիս հոգացողութեան համար, մենք պարտաւոր ենք նորանց յարգել և պատուել: Քահանան մեր հոգևոր հայրն է, նա է առաջնորդում մեզ դէպի փրկութիւնը: Եթէ մենք յարգում և պատուում ենք մեր մարմնաւոր հօրը, այդ առաւել պիտի ցոյց տանք մեր հոգևոր հօրը: Եթէ մենք յարգում ենք և պատուում թագաւորներին, իշխաններին, դատաւորներին, կառավարիչներին, մեծաւորներին, բարերարներին և այլոց, որոնք մեզ ժամանակաւոր բարիք են մատուցանում, ապա այդ առաւել պէտք է անենք նորանց, որոնք մեզ յաւիտենական բարիք են մատուցանում: Նորանց համար շատ վատ է, որոնք դէպի քահանան յարգանքով և պատուով չեն վերաբերում: 1893 թրւում Ղարաբաղու վիճակի ն. Գիւղում պատահել է հետևեալ տխուր անցքը: Գիւղի քահանան վաղեմի սովորութիւնների համաձայն խաչ-աւետարանով գնում է իւր մի ժողովրդականի կալը օրհներու: Կալատէր ժողովրդականը փոխանակ ուրախութեամբ ընդունելու քահանային, յիշոցներ է տալիս և յետ դարձնում իւր կալից: Քահանան տխուր-տրտում վերադառնում է տուն և անցքը պատմում իւր շրջապատողներին: Իրողութիւնը

բոլորին էլ տխրեցնում է: Երկրորդ օրը քահանային անպատուղ ծխականը խելագարում է, ընկնում գիւղի փողոցները, անտառները: Խելագարին ներկայացնում են բժշկներին, որոնք պատուիրույ՛ են տանից դուրս չը թողնել նորան: Անցնում են ամիսներ և խելագարը չի բժշկւում: Դեղ, դարման, գրբաց, փալչի, կուռն չափող, դեեր բունող ոչ մի բան նորան չի օգնում: Խելագարը օր աւուր նիհարում է, ոչ ուտում է, ոչ խմում և ոչ քնում, մօտենում է նորա օրհասական վախճանը: Պինը, որդիքը շրջապատած նորան աղիողորմն արտասուք են թափում, մատող անում, դարձեալ ոչինչ չի օգնում: Վերջապէս գիւղացիները խորհուրդ են տալիս հիւանդի շրջապատողներին կանչել անպատուած քահանային, նորա կողմից ներողութիւն խնդրել և աղաչել նորան թողութիւն տալ գործած յանցանքին, ապա աղօթել Աստուծուն և բժշկութիւն խնդրել: Այդպէս էլ կատարում է: Հիւանդը մի քանի օրից յետոյ խելքի գալով՝ բոլորովին բժշկւում է և այնուհետև դառնում է պարկեշտ և խոնարհ քրիստոնեաների մէկը և սկսում պատուով և յարգանքով վերաբերուել դէպի քահանան: Այսպիսով իւրաքանչիւր հաւատացեալ պարտաւոր է քահանային այնպիսի յարգանքով և պատուով վերաբերուել, որպէս-թէ Աստուծուն է անում այդ բանը: 2՛ է որ այդ բանը հէնց ինքը Քրիստոսն է պատուիրում. «Ով որ ձեզ է լսում կամ պատուում, ինձ է լսում.

և պատուում» Դուկ. Ժ. 16: Ուրեմն այդ պատուասիրութիւնը դարձեալ Քրիստոսի հրամանովն է: Մի շատ յիմար նախապաշարմունք էլ է մտած շատերի մէջ: Այդ նախապաշարուածներից շատերը աշխատում են փողոցներում կամ գրօսնելիս քահանայի շը հանդիպել, առարկելով՝ որ այն օրը իրենց բանը չի յաջողուիլ, կամ մի որ և է անբաղդութիւն կը պատահի: Այս բոլորը տհաս խելքի արտադրութիւն է: Աշխարհումս առանց Աստուծոյ կանխագիտութեան ոչինչ չէ կատարում: Առանց Աստուծոյ կամքի փոքրիկ թռչունը չի մեռնում, առանց Աստուծոյ գիտութեան մարդու գլխից մի մագը և ծառից մի տերեւը չի ընկնում, ապա ուրեմն ինչպէս կարող ենք աշխարհումս պատահած փորձութիւնները վերագրել քահանային: Եւ Աստուած երբէք թոյլ չի տալ, որ իւր սպասաւոր քահանայի մարդկանց պատահելովը, նորանց երկրային որ և է վնաս հասնի: Եթէ արդարև հէնց միևնոյն օրը քահանային պատահած մարդուն որ և է անբաղդութիւն է հանդիպում, մի՞թէ այդ բանում յանցաւորը քահանան է, կամ նորանց իրար պատահելը, չէ որ այդ բանը Աստուծոյ կամքովն է կատարում: Աշխարհումս պատահած բոլոր փորձութիւնները կատարում է Աստուծոյ բարեհաճ կամքով և այդ բանը վերագրել քահանային կամ նորա պատահելուն, աւելի քան նախապաշարմունք է և թերահաւատութիւն:

Ընթերցող եղբայր, քահանան մեր հոգևոր  
հայրն է, մեզ մկրտողը, մեղքերի թողութիւն  
տւողը, մեզ պսակողը, սրբութիւն տւողը, օրհ-  
նողը և զէպի յաւիտենական կեանքն առաջնոր-  
դողը, ապա ուրեմն՝

Ե՛կ պատուենք, այդ սուրբ քահանան,  
Սիրենք միշտ նորան մանկական սիրով,  
Որ ամբողջ գիշեր իւր որդւոց վերայ,  
Պատրաստ հսկում է անքուն աչքերով:

**Վ Ե Ր Զ.**